

高上玉晨愛樂之章空生鳳臺之靈文明於
五方金音逸朗於十天玉京九章上真皆鑄
金為簡紫筆書文齊聲合唱玄歌憂樂之曲
也其辭深頌妙趣洞淵自非高上之儔莫有
能究其篇者金名東華玉字鳳闕乃得見此

十二

文爾得佩鳳悉玄丘真書命魔靈懺誦憂樂
之章則五帝衛真天魔敬護保舉上仙得奉
迎聖君於上清宮遊於鳳臺之堂也凡受此
文每以本命太歲八節之日及每月五日十
五日二十五日沐浴清齋入室先東向誦青
帝章二首畢再禮朝

玉真轉南向誦赤童畢再禮朝玉真轉西向
誦白帝童畢再禮朝玉真轉北向誦黑帝童
畢再禮朝玉真向太歲誦黃帝童畢再禮朝
玉真五方都畢還北向九拜朝玉晨君仰咽

炁九過止如此五施五帝幡於室五方出
上清高上玉晨鳳臺曲素上經

太上玉宸憂樂章

太上洞真徊玄章

太上發玄靈煥爛數真文落落散天寶十方
所恭尊不始亦不終不明亦不昏仰登玉京
臺道遙懸崑崙超度泉曲都魔王願欲聞七
祖受化生解我宿世怨入控飛玄景出駕浮

十三

雲重暉曜玉晨玄景開圓明迨迨洞真殿見
見七寶精一念度八難長與太上并纏旋獻
黃景日華虛中生世知雜俗道莫聞智惠經
大矣洞真戒玄感魔王誠萬椿若一息豈繫
千億齡太上體本元散形度弱務猷宣玄
術

天尊並讚揚有緣文自表死因經為藏若能
得此道首即生元光身濟無待津飄飄逸仙
堂無無竟無永有有安入妙天翰蔚無上玄
宗自有要徊轉三寶輪十方普震耀太上觀

玉京魔王空中笑天帝叉手唱眾真乘虛肅
散花正我念八願自然超靈仙乘慶霄駕龍
躡玄波冷真表嘉祥濯足八天阿福應不我
期故爾釋天羅道得冠三界地網亦已過感
過雲真會淨慧經蓮花無上覺四輩芒芒大

方外幽顯諒有由无幽故無味速羅運玄輪
真仙幸華養時遊渺茫聞天人無見際靈妙
奇宣通天人有津岸泛舟不測淵常恐風波
渙其緣有奇力智勢誰能算再再任玄樞昭
然冥因判挺穎應真子靈琴空中彈淨思恭

十方玄留不我羨太上敷洞文賢賢歸本緣
蕭條三寶圍繁華秀我因伯史與入精質淨
生金身終結後始劫愈覺靈顏新希度禮無
上寶文降至真道林蔚天京下光諸地仙縱
容敬靈威洋洋大法宣太上觀十方瞻蕩融

風穆圓光映三辰真人披天服魔王叉手立
司市鄴京側日月騎行曜七寶煥無極一切
營此時禍滅地獄息渺浮無景
天尊人莫能測三寶繫十方靈臺空中澄宛
轉隨化理一感法輪昇漠漠曖昧間四大與

時與空有靡不有崔嵬多山陵太上无滯念
滅念歸大乘凡十方迴玄頌先始北方次東
北方東方東南方南方西南方西方西北方
上方下方一頌一拜迴玄品者出乎自然而
然虛峙九千餘劫其文乃見无始天王授道

與太上後遣成太上遵元始天王命而選焉
以配大戒嘗以本命日說三百部戒而頌此
文若日中及夜半時修之也先齋而後行道
不知本命用甲子日若十年以後可正月一
日行道耳

太上洞真徊玄章終

上清金章十二篇

宴聘太霞宮金闕耀清仙房宴太素四軒
皆朱璣擲輪空洞律控響舞絲駢玉華飛雲
蓋四妃運錦旌翻然塵濁外儵欲佳人處宿
感應期來所得已在冥乘風想九霄共酣丹

十四

十五

華安顧謝世中物安知無中靈北登玄冥闕
攜手經高羅香烟散八景玄風鼓絳波仰超
琅琅津俯巧曲嶽阿嘯歌雲上唱鳳鳴九洞
霞乘烝浮太空曷為躡山阿金節命羽靈微
兵摧萬魔湫汲圓長暉積春方嬰牙紛紛趣
競中不解可奈何北龍鬱霄鶴絳樹結紫華
青藥落鳳林碧捺秀巖阿靈閣陵太霞瓊房
參太霞雲輿曲室內八風飛冥沙九彌津帝
壙龍嘯唱節和扇緘五嶽嶺揮節徵萬顧盼
須臾頃忽然椿已過衰亥朝生者安和齡紀

多陽景希宮運軸冲漢幽至觀映六庭大小
蓋逍遙龍吹纏蓋雲虎吟駭萬條三素啟高
圖丹霞蔚長霄羽旂橫靈津紫駢飛華起控
轡九天外俯仰自家家塵珠結璣穢神長烝
亦洞真不尋遠御八千乃一朝朝濟碧海波

飛輪辭緣房高唱傳友篇蓋越滄浪中三契
玉霄賓五期東華童羽緞昇帝晨宴此廣寒
宮八音虛中彈紫鳳唱靈風絳霞暎明耀八
景飛太空咀嚼瓊泉津浩秀遠真蒙至樂歸
五神年積切刃崇脫疑將何難勞憂長天冲

朝駕晨景暉逸轡發紫清浮雲騎太霞揚蓋
廣寒處高真禁帝室宮壙引西靈十絕五空
洞飛烟繞錦屏虎扇神風慶紫雲迴龍駢倏
歛窮八方一顧椿已頃蕭遇玄鏡子莫不尋
太生神園秀隱芝昆池灌眇田仰觀玉清闕
蓬萊臨絳津紫霞映曲席五雲曜九玄八風
起絕宇幽蕩緣軒間三元含西宮東華有佳
人北冥唱七嘯明姬歌南真撫教參朱津玉
節揚六絃合契安非運俱嚮廣鳳類同期命
萬魔宅此群黑千超然來何難乃啟不窮年

十六

十六

駕烝眇空洞乘景想九天動舞廣暉羽玄蓋
生无間八烟颯寒輪執滯不許年撫璣八空
響我馬亦無津握節入東華夕宴玄圖賴東
帶携五靈鮮矜翹良人冥感自適運泥然亦
有緣俱載陵厲翻一扇動億千降景浮玄景